


Nanoq konto.**AningaaSAT tunniunneqarsimasut agguataarneqarsimaneri Kukkunersiuinermut****Ataatsimiititaliamit tupallaatigineqarput**

Konto pingaardeq piviusumik ima ateqarpoq: ” 240610 Ernianut tapiissutit, ileqqaaruteqarnissamik aaqqissuussineq” kisianni ulluinnarni taaneqartarluni ”Nanoq konto”. Aaqqissuussineq 1989-imi aallartinneqaqqaarpoq piffissallu ingerlanerani 1992-imi aamma 1997-imi allanngorneqarnikuulluni, annertut allannguiffigineqarnikuulluni ileqqaakkat sumut atorneqarsinnaanissaasa siunertaat pillugu. Kingullermik 2000-imi inatsit allanngorneqarpoq, taamaalilluni maannakkut ernianut tapiissutit piffissaligaanngitsumik piissarsiarineqarsinnaalernikuupput.

Ataatsimiititaliap apeqquaanut akissuteqaat tunngavigalugu ukioq 2021-mi ernianut tapiissutit tunniunneqarsimasut agguataarneqarnerisa assilianngortinneri marluk kakkiullugit nassiuppagut.


Kontot 296-isut taakkua kontonut ileqqaaruteqarfiusunut allanut 5.821-nut takussutissatut atorneqarsinnaanersut ataatsimiititaliamit soorunalimi oqaaseqarfingineqarsinnaanngilaq.

TITARTAGAQ 240610.1



GRAF 240610.2

ToqqammaviiT	akuttussusI	inuit
	Kr.	qassit
1	0-1000kr	36.625
2	1-6000kr	356.812
3	6-20000kr	709.316
4	20-136 tkr	735.946
		1.838.699



Imaappasippoq aningaasat ilarsui pequtinut atugassanngorlugit tunniunneqartarsimasut, tamannalu inatsisip oqaasertalerneranut naapertuuppoq. Aningaasanut inatsimmi allassimasumut immaqa ilanngunneqarsinnaassaaq aaqqissuussaq taanna igaffimmi/errorsisarfimmi atortorissaarutinut pequtinullu atorneqarsinnaasoq.

Inissianut ilinniagaqarnissamullu siunertalinnut ernianut tapiissutinik agguassisarnerup takutippaa amerlasuut ilinniagaqarnissamut ileqqaarinnittartut, tamanna ajunngitsuuvoq. Inatsit ima paasivarput aningaasanik tigusisussaq ilinniakkaminik unitsitsiinnaraluarpas ernianut tapiissutit utertillugit akilersorneqassanngitsut, akerlianilli aningaasat tiguneqarsimasut akileraaruserneqassasut. Akileraarusiisarneq qanoq akulikitsigisumik pisarnersoq apeqqutiginikuunngilarput, ajoraluartumilli naatsorsueqqissaarnerup takutippaa ilinniakkamik aallartitsinikut amerlasuut uniinnartartut.

Ineqarnermut tunngasuni inissianut attartugassanut, piginneqatigiilluni inissianut, inissianut nammineq pigisanut inissianilluunniit pitsangorsaanernut aningaasanik atugassanik tunniussisoqarsinnaavoq.

Kontomik piginnittup ukiuisa killeqarnissaat inatsimmi ilanngunneqarnikuunngilaq.

Ernianut tapiissutit 100 tkr.-nik annertunerusunillu annertussusillit tunniunneqaraangata aningaaserivimmi siunnersorteqarnerup pitsaasusimaneranik takussutissiisarpoq kiisalu aningaaserivimmi kontoni taamaattuni aningaasanik annertunerusunik uninngasuuteqartunik eqimattaqartoq anginngitsumik.

Apeqquitsinnut akissut naapertorlugu taakkununnga allaffissorneq annertunngitsoq aningaaserivinni atorneqartarpoq. Bank Nordic aamma Grønlandsbanken kontonik taamaattunik pilersitsinssamik neqeroorsinnaapput. Atuisumut erniaritinneqartut maannakkut ukiumut 0,4%-iuvoq taamaalillunilu akileraarutitaqanngitsumik tunniunneqarsinnaasut angunissaanut qulerarterutaannaalluni. Taamaalilluni aningaaseriviup allaffissornermut aningaasartutigisartagai ukiuni arlalinni aningaaserivimmi uninngasuutigineqakkajuttuniit matussuserneqarsinnaapput.

Ileqqaakkat akiligassanut akiliutitut atorneqarnissaannut illersugaaneri kiisalu aalajangersimasumik erniaqartinneqarneri pitsaasumik imatut sunniuteqarsinnaapput, ileqqaakkat ukiup ataatsip iluani 132 mio. kr.-nit 157 mio. kr.-nut annertuseriarsimallutik.

Ukioq 2000-imi kingullermik inatsimmik allannguisoqarmat ileqqaakkat katillugit 28 mio.kr.-usimapput.

Kukkunersiuinermut Ataatsimiititaliaq aaqqiissutissatut siunnersuuteqartussaanngilaq, kisiannili uagut naliliinitsinni uparuagassatsinnik nassaassagaluarutta Inatsisartunut saqqummiussisussaalluta, aamma assilissami anginermi aningaasat annertussusaat mikigaluarpatluunniit.

- Ataatsimiititaliap innersuussutigaa taanna tapeeriaaseq Naalakkersuisunit eqqummaariffigineqassasoq.